

*Item*, biava di cavalo per cavali 12 milia per ogni zorno stara 1200 venitiani, che sono per li iorni 4 stara numero 4800.

E per queste quatro iornate che sua Maestà farà per le terre di Friul è necessario che la Signoria comanda al locotenente di Udene che provveda lo ditto, in li lochi là dove li scriverà don Lopes de Soria commissario general di la Maestà Cesarea, et medesimamente a li potestati et capitano di Treviso, Vicenza et Verona secondo le iornate che Sua Maestà farà per il ditto territorio, et secondo li scriverà il ditto don Lopes. Et azìò che tutte queste cosse habia l'effetto che la Signoria desidera, *ultra* le lettere che son scrite sopra zìò a li ditti potestà et capitano è necessario una lettera di la Signoria per cadaun de li ditti locotenente, potestà et capitano azìò che'l ditto don Lopes laserà poste a mandar con le sue. E perchè in queste quatro iornate che sua Maestà dia pasar per il Friul si dice che gè penuria di biava et formento bisognarebbe che di qua si mandasse li ditti 2400 stara di formento, et li 4800 stara di biava, et *ultra* le vituarie sopra ditte è necessario che si provedi di polame et di le altre mercadantie lo più che serà possibile.

In questa sera a hore 1 di note giõse una barca de Histria con il sopracomito Sibimzam nominato . . . qual ha lassato la soa gallà a Parenzo, et vien quì con *letere dil capitano general da mar di 28 le ultime, date a la Zefalonia, et dil Zante, di 27 le ultime, da Corfù*. Qual venuto dal Serenissimo a palazzo li apresentò le letere, et li Savi erano in Colegio et fo chiamati zoso in camera dil Serenissimo, et lecte le letere se intese la presa per l'armada cesarea fata di la città de Coron che teniva Turchi per forza si come quì avanti tuto sarà scritto.

In questa sera, in uno camerin a meza scala, dove se scriveva le letere di Cai di X, fo lassà la porta aperta et robà el tapedo del bancal che novò fo messo.

21 *A dì 14*. La matina. Tuta la tera fo piena de questa nova de Coron, la qual heri serà fo mandata a dir a l'orator cesareo. Non fo altra lettera.

El perchè heri da sera morite sier Piero Morexini di sier Domenego cavalier procurator, savio dil Conseio, amalato de colica, in tre zorni, el padre era in Colegio nè potè vederlo vivo, che'l morse avanti l'andasse a caxa, fo per Colegio scritto a sier Lunardo Emo savio dil Conseio ch'è in Trivixana a Fazuol che subito el vegni zoso, et in questa matina

dito sier Domenego non vene per la morte dil fiol. Sier Daniel Renier è amalato et l'Emo è fuora, restò *solum* 3 savi dil Conseio, *adeo* non si potè far Conseio di X con la Zonta che importava assai per trovar danari per le spexe ocoreno di la venuta de l'imperator in Italia.

Fo proposto in Colegio un mio aricordo non si fazi la fiera a Treviso che si suol far fuori de la tera questo San Luca soto specie vien questi con l'imperator di lochi infectadi et per ogni altro bon rispetto, il che consonò al Colegio, et fo scritto a Treviso fusse perlongata a questo Santo Andrea ultimo de Novembrio.

In questa matina, prè Batista Egnatio in lo suo locho dove el leze *publice* ne l'hospedal dil campaniel di San Marco fece una oration *de homine* che fu principio de studio, et lezerà.

Da poi disnar, fo Colegio di Savi, et un poco de pizza menufa, et hozi fa el tondo de la luna.

Fo scritto per Collegio a l'orator et baylo a Constantinopoli con avisarli la partita de l'imperator di Viena a di 4 de questo per Italia, et vien per la via de Frinl mehando con si le zente che'l mena, et li havemo fato oratori per acompagnarlo sul Stado nostro, et altri avisi da esser comunicati al deferder et sanzaco, la qual lettera per grippo a posta fo spazà el zorno seguente a Ragusi a quel di Zulian che la mandi.

Fo scritto a Udene quella comunità et castelani sono debitori de l'imprestado, ducati 1000 et più, atendi a seuoder.

*Item*, per una altra, ch'è stato in Collegio el capitano de Pordenon loco in quella Patria di Friul fo dil signor Bartolomio Liviano, dicendo non aver vituarie, et che se scriva esso locotenente tegni cura di quello come de altri lochi nostri de la Patria, però li scriveno mandi in Pordenon 50 archibusieri et provedi al bisogno.

Fo scritto al dito, in risposta de soe di 12, de haver fato bone provision per le vituarie etc., et la termination fata che seguendo dano a quelì portarà le vituarie tuta la Patria senti el dano per la soa cavata, il che laudamo et aprobamo, et se lauda la diligentia de esso locotenente.

Fo scritto al dito se li par pochi 50 fanti de le ordinanze mandar in la Chiusa mandi più numero.

Fo scritto a Montagnana retegni tuti li muli capitano al Frassine et li mandino a Portogruer.

Fo scritto a Udene, dando quelì de la Patria formenti li prometemo dar la trata de altratanti.

Nota. Heri sera de ordine di Cai di X fo con-